

ექსკურსია ქუთაისში



2024 წლის 28 მაისს სემინარიის I კურსისა და ქრისტიანული ფსიქოლოგიის ფაკულტეტის I-II კურსების სტუდენტები ქუთაისისკენ გაემგზავრნენ. ექსკურსიას ხელმძღვანელობდა პროფესორი სერგო ვარდოსანიძე. სტუდენტებმა დაათვალიერეს და მოილოცეს ქუთაისის ბაგრატიისა და წმინდა გიორგის სახელობის, ასევე, მონაშეთისა და გელათის ტაძრები. ხოლო უბისის ტაძრის მონახულება ვერ მოხერხდა გართულებული საგზაო ვითარების გამო.

ექსკურსია წარიმართა სასწავლო-საგანმანათლებლო ფორმატში. რამდენიმე სტუდენტმა ტაძრების მცირე ისტორია და იქ მოღვაწე სამღვდელოების ამბები მოუთხრო თანაკურსელებს. ღონისძიების ამ ნაწილში ექსკურსიის ხელმძღვანელის კომენტარებიც მრავლად იყო ჩართული. განსაკუთრებით საინტერესო აღმოჩნდა ბაგრატის ტაძართან ქუთაისის აკაკი წერეთლის სახელმწიფო უნივერსიტეტის ახალგაზრდა პროფესორ ლაშა დეისაძისა და ბაგრატის ტაძართან პროფესორ სერგო ვარდოსანიძის მიერ ჩატარებული მცირე ლექციები.

ტაძრების დათვალიერებისა და მოლოცვის პროცესს ამშვენებდა თბილისის სასულიერო აკადემიისა და სემინარიის ბაკალავრიატის სტუდენტთა მგალობელთა გუნდის საეკლესიო საგალობლები.

tsas.ge